

沅
湘
耆
舊
集

沅湘耆舊集卷第六十三

新化鄧顯鶴湘臯編輯

長沙毛國翰青垣校訂

陳恪勤鵬年

古體詩五十首

鵬年字北溟號滄洲湘潭人祖金臺遭難易姓郭
無子撫再從弟子式穀爲子復姓陳卽公父也公
成康熙辛未進士由浙江西安縣知縣調山陽擢
海州知州晉知江寧府所至有異政以忤總督阿
山下獄江寧士庶數萬人號泣守大吏署願代公
受罪小民爭致薪米酒炙填街塞戶帝爲之罷獄
解奉 詔修書又出知蘇州府署江蘇布政忤總

督嚆禮再被誣劾錮於鎮江民奔走呼籲如在江

寧時 仁廟特旨昭雪仍命值武英殿修書出

署霸昌道旋 命辨理河工即署河道總督兼總

漕事以勞得疾會 仁廟升遐公哀毀甚疾遂

篤 世廟登極實授河道總督未幾遂卒於工

所 上聞震悼優恤子祭葬諡恪勤 詔祀賢

良祠公性介特秉正嫉邪愛民如子屢忤上官再

起再躡甚至摭拾詩句書語文致幾蹈不測賴

仁廟始終保全不次擢用遭際之隆古未嘗有

也公一意孤行百折不回而與人交坦懷樂易好

汲引後進孜孜如不及博學工詩善書法所著有

道榮堂詩文集六十二卷滄洲近詩十卷公詩和

平大雅原本忠孝根柢性情雖偶爾游覽之作皆

嶄然不欺其志吾楚前哲風徽未泯求其志節風

義助業文章照耀宇宙不朽如公者西涯以後一

人而已茲輯其古今體詩若干首入斯選以志景

仰然豈足以盡公哉三十九卷是集凡分十編曰

耦耕集者以舍北耦耕堂而名也水東集者以其

先人隴墓所狂也高壘集者憂居前後所作也浮

石集別山集淮海集者皆宦游地也于山集香山

集武夷集者皆往來游息處也未附喝月詞五卷

則詩餘也曹一士滄洲近詩序我師長沙公詩

不必規焉摹倣杜氏而默與之會由其性情篤

摯剛直學商闢大纘密政事豈弟精勤故見之於

詞時而沈雄悲壯時而容與流連時而藻耀高翔

時而而聲流逸變態非一莫不原本忠孝比物連

類雖率爾游覽贈答未嘗不因以自見其志其與

杜氏蓋水乳而臭味也

春日

透迤春日遲
暄和晴光媚
足不履戶庭
但覺風景異
百卉既敷榮
鳴禽亦時至
雨過階庭潤
苔花具幽意
流惡汲井泉
轆轤抱寒翠
微颺激洞戶
虛籟發遙吹
妙香晝寡營
清言夜無寐
柴几窺道書
松房展經笥
旣傷遲暮齒
仍念衰朽質
嘉趣隔雲林
遐心懸薜荔
條風扇羣動物
色滿天地旭
旦無私照
陽和不我棄
胡爲鼠憂迫
浩蕩獨如醉
蒼茫名岳遊
拘閣尙平志
五雨飄南風
快意從此遂

潤州道院有述次韻和雷有章

奉檄赴京江
吳趨正九日
淹留挂彈章
倉卒閉穹室
永巷

高若城幽房暗如漆賓朋並羈紲坐臥僅容膝我鬢霜作
華我牀雪爲窟敝衣對僮僕念爾寒凜慄懟怨雖不聞夜
語苦啾唧踟躕天地閒曠觀得超軼寬閒性所樂鐙下展
殘帙翻念積歲勞暫假三冬逸恭聞 聖明朝湛恩本洋
溢有酒斟酌之春風慰憂卹

述憤詩九首

蓬生非無根飄落東海隅偶遭緒風颺徘徊青雲衢青雲
不可際氛霾與之俱黃塵眯四緒孤蓬黯愁余

伊昔乘虹霓凌雲排帝闈當關列虎豹清都闢重門一朝
去香案俯遂浮雲奔雨露復無私下及靡草根

蕙蘭本幽姿歲久生空林雪霜滿巖谷龍蛇蟄其陰採植

君子堂相感在知音慎哉當門雜安知天地心

驅車陟高原蠶叢路險艱前蛇後猛虎四顧發浩歎于役
豈憚勞願子非盛顏遙遙我馬黃折軸何當還

葵藿生道周傾陽固其懷冀茨知晦朔敷榮帝堯堦屈軼
指姦佞非族性所排但患履霜至孤芳爲厲階

秋高日皎潔灑氣逾澄清須臾見陰凝膚寸雲霧生震驚
走霹靂破柱摧庭楹四序迭寒燠百物遞枯榮敬慎當疾
威明明昊天情

原田飽野粟黃雀嗟微禽日夕思報恩道遠殊苦辛精衛
力本薄何意巢深林海波渺汪洋願瞻淚盈襟

攬鏡歎矐首我生良不辰遭逢承平世界長蓋有因東躬

待斧鉞奄忽彌十旬

自注自奉十旬而議覆未下

嚴旨已天怒未可回恩

波浩無津喪命重避過已足感臣鄰永念衰病母江湖隔
昏晨恐懼心膽碎雨泣鼻酸辛上有聖明君下有垂

白親

孤雲隨朔風飄蕩何所依中夜省過愆顛倒裝與衣往者
不可貰來者安可辭憂患苟玉成艱難貴深思咫尺懷冰
淵天威凜在茲

白髭

憶從己丑春照鏡見白髭蹉跎又三載紛然如素絲念此
蒲柳質安比蒼松姿弱冠寡宦情此語識者噴中年慕清
修嗑吸探華池靈府未澄澈駐顏良已遲今年四十九善

病筋力衰猶幸龜紐脫跡閒心亦怡準擬放歸舟春風盪
漣漪入門兒童訝顧盼殊昔時承歡學萊舞早乞南山芝
八月十一夜玩月

羈情散清宵幽意戀華月况茲凜秋分灑氣彌天闕未望
勢已盈際夜光轉發露涼風細細蕩滌星河沒深堂隔永
巷周垣擁突兀似破滄溟來宛轉照林樾尊酒話寂寥瑤
琴響清越美人其如何天風坐超忽

十二夜月

幽人靜少眠况茲佳夕爽秋期近三五連夜窺月上初升
澹澹搗漸轉出林莽嬋娟來何遲清輝及虛幌遙遙風露
深漠漠寒潮長空山寂無人獨發鳴琴響

閒夕偶次白香山韻

鐙前蠅蝨飛牆外
流螢度霏微
楚閨溼明滅
花上露臥轍
無修眈虛庭
縱徐步
暑雨困歎蒸
新涼在高樹
言愜消夏
情益得閒居
趣豈必懷邱園
華簪漸非故

十二月初六日登大茅峯紀遊五首

十年望句曲
神山隔縹渺
得從閒放餘
筍輿及蘿薦
力疾上九盤
聳身出雲表
始識大茅峯
俯覺衆山小
西南並天
自江甸
蟠天矯鬱爲
六朝都
煙草青
未了東有長蕩湖
匹練桂林杪
長江與滄海
夕照氣縈繚
酒闌捫星辰
夜靜天悄悄

舊聞良常境
東南裊天柱
磅礴一何雄
鍾靈半江滸
左右

陰陽池丹泉接懸圃天池老龍屈迂恠通水府時見蜥蜴
形爪甲微可數朝暮或冥冥雲霧任吞吐維昔因旱禱齋
虔曾挹取蠕蠕見頭角拜祀敢輕侮竟虛雲霓望甚昧馨
香主至今事惶惑奔走盜廊廡何如膚寸雲爛漫爲霖雨
霑濡遍江左歲歲歌樂土神其歆降祥膏潤及寰宇

茅君昔兄弟挈伴茲山岡不聞偕妻子同遊白雲鄉至今
三茅峯揖讓如雁行先世避秦客仕漢亦偶常上書恥梅
尉辟穀師子房同時拂衣去壘簞樂無方我來望白鶴雲
路高且翔天風悚毛髮海氣吹衣裳西來有停雲倚閭在
衡湘鵲鶴飛何急日暮多關梁青鬢俄以變采采禹餘糧
少年慕勝遊冥搜有奇癖健捷擬猿猴同行戲相迫豈意

二十年縉塵面如積捫蘿陟層岡猛進艱咫尺半山坐危
梯喘戰足盤躡笑此衰頽翁焉迓蓬島客山中老道士遺
我丹經冊多言豈不妙顧我非宿昔大藥本無資求仙復
何益偶來華陽洞似披旌陽宅襍被萬峯頂西盼寒日夕
鐘鳴籟沈寂星動窗虛白陶然獨成寐清夢有佳適

夜火現丹光晨雲如海潮豈意茲遊快二奇並相遭雞鳴
攬衣起天門鬱岌堯微白東南來雲氣如卷綉須臾遍西
北萬里皆奔濤誰令海爲縣孤峯戴巨磬一線露赤色動
盪波光搖轉瞬半天赤鴻濛破碧寥紛如雪浪中湧出珠
盤高萬象倏昭煥玉虛獨迢遙岫屨與黃海此景渺雲霄
不聞互寒節一似清秋朝履輪或相命笙鶴如見招羲馭

不可追十洲母乃勞吾將事浮槎頽流閱酒酒

再至焦山

朝氣散林麓春來水生波遙山若相待靄靄浮青螺言從
筍輿出旋及桂檝過海天互澄霽風日柔以和招提本靈
境結宇山之阿旣攀絕巖石更捫雙峯蘿楚澤見歸鴻廣
陵聞樵歌同遊飽香積信宿依維摩江流去不息日暮青
山多後來復幾時我勞當如何

余性畏暑兼患卑溼觸之輒病都下無力僦居惟依
棲郡之公館甲午冬計偕者畢集無置足地因移寓
其旁邑舍舍僅廢地一區破屋數間而已屋旣頽塌
不能蔽風雨盛夏暑熱交蒸尤所難堪賴
聖慈

命直武英日在涼堂廣廈之閒每帶星而入昏黑而
返至則如坐冰壺炎暑消除樂而忘倦見者謬謂勤
於所事不知余以負罪餘生心力損耗詎能矢報萬
一亦聊以適吾志爾初伏五日爲詩十章索同人屬

和焉

短垣倚牛屋積土如邱陵敢思衾枕安旅久忘寢興帶星
上紫殿歸來已張燈非不憚煩勞所畏暑溼蒸吾衰荷

國恩言報力豈勝念此廣廈閒夙夜滋凌兢

聖學歎高深光華照萬古闢發諸經奧細及禽魚譜我本
濩落人勤拙不相補敢負芻蕘恩憶脫籠苦豺陳與獺
祭窺簾日卓午所憾老昏花目力難自主

天門蕩微颺曉涼助清激
振衣白玉階迢遞想所歷
金榜高九重奎章得仰覲
從容坐中禁萬籟深且寂
晝刻轉遲遲靜數銅龍滴

早來款段急暮返蝸廬忙
豈知天上景彌覺白晝長
一日當兩日此語非荒唐
願我罪戾餘胡來黼座旁
俯戀安樂高神遊白雲鄉
撫躬念嶠昔側足以徬徨

秘府觀圖書西清集羣彥
每分眾管筆拂試龍香硯
月榭步披襟風簾坐展卷
四海如弟兄豈必同鄉縣
自直金馬門再上蓬萊殿
十年不歸去鬢髮日以變
叨陪冠蓋偷何妨褐衣賤

御廚每絡繹珍味來六官
猶蒙老中使日賜水晶盤
會食

笑堂饌相將勸加飧媿我藜藿腸既飽不自安寸腸詎云
報雨露本無端願言千萬歲常奉朝野歡

稍首拜凌人堆冰作清供冰來高若山詎比君恩重六月
生寒風溼雲滿梁棟自聞納陰室本備尙方用盛朝特優
異賜出同侍從 至尊當盱食軫念及飢凍陰陽一變
理鬱蒸免積壅努力歲寒心對此懼將恐

今夏苦積雨兩日無半晴泥濘長安道狼狽騎驢行城東
破牆屋夜半倏已傾侵晨入廣堂坐覺塵慮清邈然人世
隔颯沓冰雪生爛漫散羣書獨荷 聖明情

心清澹無營晝長每多暇時從讐校餘偃息綺窗下渺渺
遊華息乍覺始驚詫豈意承明廬翻若東田舍茗椀淨霜

雪芸香散蘭麝無煩乞旬休自足消長夏

我生迫善病老至肌肉消慈顰髮垂白菽水日以遙誰云
寡宦情曲水魂爲消鞠躬凜愧負俛首事鐫雕豈不懷故
鄉忍別 聖明朝出入殿廷閒殊勝珥金貂言矢天保
歌拜舞慶簫韶

丙申除夜遣懷二首

三年客潤州四年客京邸瞬息七春秋飄飄等逝水人生
能幾何歲月豈堪此鬢鬢皓以白衰病消肢髓平生罹憂
患自愧蒙垢恥猶荷 聖主恩出入明光裏飽食大官
肉饑分故人米已足慰窮途老眼瞿亥豕獨念定省闕迢
隔四千里堂上有老親膝下惟穉子別家廿載餘生計無

復理庶幾免凍餓。那更問甘旨當茲歲。云暮椒盤進滷髓。
而我獨何人。望闕勞徒倚。長安重餞歲。銀鐙照九市。簫管
亦喧。戍煙火竟天起。羈旅三數人。導酌聊爾爾。甯嫌陋室
隘。敢羨華筵侈。君子善持盈。小人貴知止。誰能戀棧栗。慎
自貪香餌。條風轉閭闔。永願明日始歸田。南山南吾躬把
鋤耒。

終歲無一閒。兩日獲休沐。米鹽何瑣碎。百務苦喧蹙。朝班
兩知已。高義等厦屋。頰數分俸錢。償散解餘蓄。用茲得高
枕。傲兀慰幽獨。自注。正朝惟李蔚州少宰同年。任衡。舉御史二人分俸見餉。經冬斷朔

雪一夕。遍林麓。入春雖六日。猶作臘前卜。地上一寸雪。民
閒一尺粟。此語誠不虛。豐稔免祈祝。老爲傭書人。頭白頰

法苑珠林卷第十一
羞縮胡爲致，賤幅纍若牛。腰腹剝啄時，到門相煎何太酷。
令我廢眠食，又復繼燈燭。僮僕亦咨嗟，誰能脫桎梏。乃知
名所悞，巨細皆鍊束。那得逃深山，放恣同麋鹿。

種草花

繚垣若正膝，屈曲繞庭宇。中央數弓地，雅宜花藥補老翁。
擔頭價青錢，百四五散蒔。少行列林立，頗媚嫵。其如生意
薄，奈此燼餘土。慙慙樹葦箔，蔽當日午冷。冷汲井泉詎
足比，甘雨吾衰困。物役進退難，自主遠慙抱甕人。聊師灌
園父。

秋日雜詩

秋霜百室壤，我嗚焉不頽。鳩工荷畚鍤，耶許相喧。椳椽欹

屋未葺夜雨行復來
綢繆貴早計撓折思良材
阻絕南巷翁三徑生蒿萊

諸父方北來弟姪亦偕至
遙遙四千里跋涉勞相視夜坐
必燒燭團藥謀一醉豈若桑果陰分甘及童穉故園摧天
末茲願終可遂

入門路紆曲破塊成小畦
雨後蒔嘉蔬地力本不齊
溉種既甲坼化爲蒿與藜
徒使露沾濡微蟲草閒嗁
長吟少陵句千載有同悽

燦燦園中葩秋至始嬌好
感茲雨露私繁英得自保
采掇娛賓筵微馨豁懷抱
豈知霜信近搖落苦亦早
落落松柏心歲寒固所寶

秋苦聚兒曹爛漫羅圖史夜闌燈火黯頗亦聒人耳賢愚
何足計佔畢聊爾爾東田驅健犢食力良非恥莫羨西家
兒髫年耀青紫

秋氣彌皎潔簷際新月光仰視河漢明大星亦煌煌白露
沾人衣鴻雁候已翔攬衣中夜起四顧爲徬徨徬徨在何
許望遠天蒼茫

出門盼晴山遙青帶層郭靡靡阡陌閒澗道通略約秋花
尚如繡秋柳亦未落髮髯歸墟里門徑互參錯豈必青鞵
厭名山採靈藥

形神苦勞攘客去掩柴關賴此容膝安坐臥如深山遣歲
謝馳驟棲心守冥頑呼吸擬龜息誰能駐丹顏茗香雜齋

陳巖几有餘閑

薄暮烏嘯林鄰家犬猶吠聞門戒早閉日入休負戴村人
刈禾黍東犂車盈載已見萬物成陰陽迭相代豈不懷故
鄉艤舟未可待

同程肇岷徐飛六祝荔亭王慧音朱元發蔣壑南家
韜谷兄鏡軒坐月各成一首

卜地傍林垌愛此湖上宅秋風吹我衣明月照我席煙光
澹如霧天水相與碧時聞鐘磬音遠帶漁樵客壺觴偶然
集高興聊以適人生感代謝歡娛豈終夕渺渺霜露情徬
徨念行役

八月十五夜同諸子集飲鏡軒作

沙洲書齋集 卷第六十三
天光澹澄鮮瀨氣明泱泱復此湖亭憩相與脫塵鞅夕陽
漸西頽圓月乍東朗清輝兩激射淪漣若相盪居然人境
中忽在鷗波上蒼茫見樓閣映帶生菰蔣更深輪已高露
下寒彌廣疑隨羽衣客迴作遺世想同時二三子新詩共
欣賞桂醕沾人脣金波落人掌百年逢此夕不醉吾焉往
緬想洞庭秋長懷理煙嶽

京江卽事

京江四月無雨澤井泉竭盡秧苗枯小麥待收怕久撈欲
晴欲雨天踟躕長吏常如中風走朝向金陵暮虎阜上官
箕畢好不同萬姓雨暘復何有黜壇擊鼓空紛紛綠草飛
天天不聞晝夜乾風煽地裂昏霾沴氣成黑雲刈麥要晴

秋要雨天公惆悵難自主古時馳道遍天涯江上行人盡
塵土

十五夜月下作歌

江煙斂盡江水平山木欲脫山風輕月色秋光兩澄霽秋
山無夜無月明月華之山古月觀此地看月偏有情古時
月在古人去我獨住此觀虛盈自冬徂春歷長夏階前又
見秋風生月出逢秋倍皎潔秋來對月逾淒清金鏡無塵
玉山豁人影在地蒼藻橫京口颯風重拜月萬家華燭相
精瑩酒果絃簫走兒女繽紛香霧通玉京月姊徘徊素娥
舞藥兔罷杵蟾蜍傾吳質不眠桂花溼瓊樓髮鬢吹鳳笙
自散梨園羽衣泣嬌橋路杳無人行天寶傳聞事荒忽蓬

萊易淺桑田更琳宮琪樹本幽絕玉皇殿闕同水晶伊子
何人坐臥久九關虎豹空狎狎袒露中宵縱談謔酒酣大
叫天爲驚鈞陳蒼蒼列霓旌銀河超距鐵駟迎羽林壘陣
環碧城盪洗熒惑驅機槍乘鷲往訴擬上征虛明洞澈孤
葵誠沈沈蓮漏轉璿衡河鼓搖柄天鷄鳴

紀事一首

京江九月地震二旬動搖無已時大聲如雷細如裂高
垣短屋愁傾欹居者奔逃各露立夜眠晝食咸驚疑遠自
維揚暨吳郡近從白下連瓜儀山鳴海沸一時並茲語傳
說尤怪奇自注是年八月內淮南沿海十盤塢海沸漂沒多死者九月再鎮江象山如牛鳴竟一夕我
皇御極本敬勝四海甯謚民恬熙江左偏隅蒙眷頌宵旰

軫念同郊圻今年 御書垂誥誠協恭一語懸穹碑堯湯
年中水旱數天心仁愛良易窺此豈靖共失臣職紛紛災
祲人所爲江邊孽臣久廢置三年鼠泣天聽卑遙瞻北極
祝明聖嚴城戎刃心酸悲

和江服懿飲焦巖觀瘞鶴銘建亭歌原韻

松寥宜晴亦宜雨萬里江流狂庭戶主人選勝開層軒當
軒似看蛟龍舞酒酣散步焦巖顛誰云鍊石能補天割取
雲根入十字摩挲舊刻慚新鐫此物傳疑著江國華陽逸
少無人識豐隆肆虛海若貪但見光芒射斗極偶乘水落
窺坡陀殘銘幸不全消磨挽之重淵陟青嶂翼以危亭臨
碧波成勞本自泉擊出呵護千年龍象窟依稀尙見鸞羣

書髣髴猶存鼠鬣筆回思汨沒波浪時萬仞鑿削非人爲
遭逢明時乃復見山海效順神靈知君不見寶物顯晦原
無端澤宮石鼓還舊觀又不見龍劍韜藏雙入水須臾躍
出澄潭底文通鍾紹會有日莫歎采樵長因此洗盞何妨
傾十石歡呼勇角千金擲笑問蓬萊清淺無座中况有騎
鯨客

長相思次家濂村弟原韻

長相思苦離別三春不斷交河水六月長飛葱嶺雪葱嶺
交河隔萬山知君欲度古陽關可憐驚散深閨夢夢見深
闌人未還火州夜警銜枚走餉道懸軍車下守婦人擬欲
備晨炊令嚴不得隨細柳起來明月挂西樓織寄寒衣字

字愁功成亦有封侯日祇恐沙場易白頭

題王巖所所畫墨蘭圖

我家舊住瀟湘渚空山種花獨延佇
光風墜露曉窗前似共幽人相對語
廿年別去九畹春眯眼但見東華塵冷豔
孤芳忽相覩如返故山逢故人
王郎好事王香客寫出一天春
雨色叢筠碧石劇蒼茫湘水湘雲遠何極

沈氏著書集卷第六十三終

沅湘耆舊集卷第六十四

新化鄧顯鶴湘臯編輯

長沙毛國翰青垣校訂

陳恪勤鵬年

近體詩九十首

新春雜感

少壯金閨籍君恩勵素絲
陸沈從世法悃悃是吾師
天假餘年健人憐拙宦疑
撫躬慙報稱真負聖明知

鐵甕城邊路金焦江上山
蛟螭蟠地軸豺虎亂天關
皎日羣陰散春風十畝閒
煙雲儼圖畫蠟屐好躋攀

後園桃樹

舊日元都種依人一樹存
喧卑鄰糞壤欹側近牆根
曾染

煙霞氣偏知雨露恩
春風饒作態倚醉夕陽痕

重九後二日

匝月渡江去歸來秋已深
白雲依舊岫黃葉滿前林
鷄黍鄰人會
巨圍隱者心
一庵留海嶽棲泊到於今

地僻秋逾爽
山空月苦明
星河同汨沒
江海自澄清
玉砌塵無染
琪花露暗生
高城眠未穩
霜鶻夜唳聲

客到滄江上
提攜問草堂
傾筐流白粲
開甕落紅香
飽食慙何補
傭書醉不妨
今年且豐稔
安樂卽吾鄉

不到吳門帝星霜
已數移虛慚鬱林石
莫拭峴山碑
騎竹兒童待扶鳩
父老知南園
堪極目
秋色正離披

近有瀟湘客
仍闢雅子書
老親聊健飯
合室且安居
素業

貧非病清修晚不如無勞問歸計畱滯又秋餘

夕雨初鳴屋山風已振衣不知爲客久但覺曉寒微草冷
淒蟲咽江空斷雁飛遙聞環羽衛信宿近郊畿

紫氣冠裳肅青詞日夜燒九關森虎豹三殿隔雲霄禱祀
情何迫馨香聽豈遙步虛風月裏深院靜聞簫

客居耽寂寞秋至夜如年老眼依明鏡閒心付舊編鐙殘
餘豹腳閣小護龍涎明發登山殿今宵且醉眠

過元符宮因爲人識遂不果入而返

欲訪元符觀慙人識姓名未能忘鹿豕久已謝簪纓松下
看雲返巖邊選石行相期種瑤草吾擬向煙耕

除夕喜五弟西亭至二首

望汝俄經歲江干始泊船今宵餘舊臘明日是新年問訊
書頻展歡娛被穩眠老親知健飯白首對湘天

萬里需朝命三年客潤州別家長兒女垂老念松楸凍雪
連雲暗寒江帶海流團欒欣一醉重典鸛鷖裘

移寓城南張氏園亭留別月華道院二首

住此歲頻改乍移心覺悲蕭條仍逆旅輾轉又春時雙樹
聲如咽孤雲出每遲峯西煙月裏還與故人期

偶赴林亭約蒼然對夕曛東西如隔壤南北本通村月觀
詩瓢滿秦潭墨瀋方虞羅方痛定來往識君恩

四月初九日漫興

農月已將半春寒猶在衣白注是年四月十二日方立夏廉纖梅雨過澹

蕩柳花飛別墅多幽事高眠得靜機
團樂見童穉燈火傍
林微

近傳寬大詔同祝 聖明君瑤鶴臨三殿金雞下五雲湘
纍蒙再宥益使尙無聞病渴銚花裏中宵望轉殷

春雨鶯花老晴耽樓筍香和風催麥熟細雨送蠶忙田舍
真吾事江南似故鄉微疴須卻掃白日坐羲皇

龍潭道中感事

夾岸滄江色青山記六朝村喧晴打麥帝近暮歸樵故郡
瑯琊改仙雲句曲遙如何數豐稔比戶尙蕭條

鳳舸追趨日 天威咫尺閒小臣依豹罕累月共鴛班羽
衛宵傳漏期門日霧顏前驅蒙雨露驚喜得生還

林篁如灑埽山鳥互徘徊又共庵僧話仍憐父老來佛燈
千嶂繞行殿五雲開計日江村路春船問嶺梅

送芝萱二兒歸應試事

此去三千里遙憐驛路孤桐江連釣瀨蠡口近香爐白髮
秋強健青雲夢有無莫令姜被隔珍重在長途

京江雜詩

傑閣俯城陰闌干每一臨曲阿秦郡縣北府宋園林山色
分吳楚江流自古今春風滿天地無限望鄉心

六月初五日聞再赦之命卽日北行志感

鐵鬚經三載天書下九重戍邊方脫免戀闕得追從一寸
丹心在干莖雪鬢封倚闕竄望眼他日喜生逢

白下驚弦日吳門祝網時一麾仍罪戾再着荷恩私蚊
負愆彌集冰兢過每滋本來無媚骨只有聖明知
匹馬朝天去情知戀故鄉此身非我有失哺願親強老馬
途何識雕蟲技久荒百憂心力減何以報君王

送靜默僧之五臺結夏

五月正炎熱山寒不可勝好將雙赤腳去踏萬年冰虎石
階前伏龍雲鉢底興欲隨飛錫住松雪路層層

冬日偶成

久作歸田客還爲賣卜人明時無棄物秘局有閒身橐筆
朝趨仗騎驢晚逐塵往來三十載鬢髮漸如銀

聖世容閒放餘生樂太平不知天廣大但見日晶瑩細草

冰霜色春風葵藿情負愆虛報稱回首壯心驚

曰昔鄉書到慈闈寄語頻但云依聖主不必戀衰親白

髮三千里青山二十春異時舒舞袖無計話酸辛

弱弟年時別江帆幾再過遙憐孤雁影屢涉洞庭波南北
家猶寄妻孥累更多老親須定省甘旨近如何

雨兒秋試罷匹馬自南來豈免風霜苦猶令懷抱開周親
思宿昔田舍話汗萊莫擬將雛鳳歸棲念卻回

昔號五湖長今慙大布衣屬文官樣少閱世宦情微患難
知豪氣寬閒息禍機上林多茂樹烏鵲暮能歸

湘中偶懷

石村自注在邑西南六十里余家卜居此已五世舊名池子頭今日石村

世宅池頭地先人號石村青山在庭戶白水繞蓬門揖讓
風猶古詩書俗所敦別來耆舊盡他日見兒孫

濤谷

自注在石村西谷中多松每微風起如海濤

彭湃先王父構室其中顏之曰濤谷一曰濤

庵又曰萬松書屋

松風傳谷響晨夕亂波濤種樹始何日斲荅無乃勞竹深
三徑斷門靜一峯高廿載懷蓬藿斯人未可逃

二陟樓

自注樓在宅西面南先大夫所築今誥敕御書皆在焉

十畝堪借隱兒童埽敝廬門開彭澤柳人識子雲居堂構
思遺業鉛黃有賜書重山南望隔瞻陟渺愁余

漪園

自注在石村西北廣十畝池水四面環之渡板橋以入池迴旋可二里兩岸植桃柳雜花

木萬株曰漪園

宛轉渡漣漪寒流曲曲迷中央置蝸舍夾岸有虹隄春暗
柳千樹雨晴雲一溪夕峯宜遠眺花外恰鶯啼

嶽堂蘭若

自注在石村南一里庵前有石高下平列堆雲聳翠中可結數十竈賦座其上

竹樹陰濃不見天日春時茶筍最佳嶽堂其舊名也

南嶽自茲遠古堂猶得名袈裟一片石鐘鼓萬山晴祇樹
逢初地蓮花拱化城幽人茶筍會春至獨關情

云閣自注在石村溪溪水至此曲抱如環中有地一畝先大夫振構閣其開顏之曰云而未逮也

溪曲水云云過庭記昔聞此閣宜跨閣四面欲生雲碧藻
觀魚適青蕪數鷺羣晚山無遠近空翠落續紛

十松書屋

自注在石村東南半里地名望星鋪阡所中岡阜隆起有松十株蒼髯林立先

大夫擬構草堂

曰十松書屋

曠莽高原上亭亭撫十松平田亂水色落日變山容歲久
龍鱗老雲歸馬鬣封野橋人近外微醉倚孤筇

水東

自注在石村東北四十里先大夫先恭人皆卜兆於此有白鳥馴虎之異其地曰水東

拜別松楸久蒼茫一水東慈烏猶在樹馴虎不生風歌哭
天邊異悲歎地下同瀧岡慙未表衰鬢已成翁

烏石寨

自注在石村西南三十里其高二十里宋元末屯兵處故壘猶存先外舅石桐翁先

生有桃鵝山

房在其下

崛起自南服諸峯非爾儔平捫朱鳥影倒挂滄江流拾鋸
悲殘壘栽桃想故丘夢魂應戀此麋鹿與同遊

碧泉

自注在石村東南四里許泉從唐天寶間於石罅湧出縱橫十畝銀砂噴湧投以瓦石輒

成五色光怪陸離不可逼視先儒胡文定公謫居
於此作春秋傳其傍有僧寺及廉吏高竹川祠

湧穴從天竇環巖得地靈波光紛五色日氣冷孤亭僧定
鳥猶照山深鶴未醒先儒遊賞處遺跡想麟經

東霧山

自注在石村西南七十里頂有石泉精舍
余先世隱居讀書之所經世亂廊廡殘破

族姓尚環
山而居

路自中峯上泉從絕頂分曉窗明海日孤磬落松雲水木
知先德蟲沙話舊聞花源欣聚族努力事耕耘

半村

自注在城東里許與余城居
密邇劉損齋先生別業也

老欲騎驢去歸爲賣菜傭半村方咫尺鄰舍任過從郭外
止三里門前惟數峯巖壇幾人在江上有林宗

偶到

偶到棲禪處悠然會道心微風侵坐榻積雨散香林世事
此閒遠詩懷一往深如何訪耆舊似隔虎溪岑

老馬

本非神駿骨聊有識塗長芻豆需無幾風塵黯自傷失羣
煩躑躅顧主復騰驤未敢期豐草天寒耐雪霜

守犬

黍爾七逾歲相依猶至今酬恩義不薄禦侮意何深勞苦
司宵警摧頽見病侵客居本垂橐做蓋古人心

霜夕

霜淨月逾潔宵遲寒更深孤鐙此危坐抱膝一長吟陋室
存天地青山自古今蕭蕭南過雁空外有餘音

樗

樗樹古牆陰叢生託禁林漸成宵漢勢徒有棟梁心雨露
知天大根夢得地深當門戒蘭蕙鋤艾本相尋

廣武山中宗人所居曰陳家溝去年曾一投宿今再
過之爲題其壁三首

買山依廣武奕葉羨吾宗拂枕河聲近當簷樹影重戰爭
傳漢魏質朴見黃農未得期深入東南遍各峯

雨至羣懷路頻因水患多洪流非故道比屋在頽波目極
桃花浪心驚瓠子歌我行還相度遺躅在巖阿

每厯深宮慮仍煩敕使臨輓輸軍國計飢溺聖人心
捧土慚何補迴瀾力敢任攬衣中夜裏遑問二毛侵

周門

野宿孤村遠周門舊日過尾閭方近海甌脫爲濱河水瘡
漁煙少天空蜚氣多生徒勞問訊夙昔愧絃歌

和王青原七夕詩原韻二首

鵲駕臨河夜漸涼蛛絲繞合漏初長層霄競卜三雲瑞深
院如聞七寶香兒女幾人陳酒果江湖何地覓津梁平生
宦拙方祈巧封事輸誠情綠章

片月西沈景乍涼明河東隔路疑長似聞軍帳旌旗繞自

愛原田瓜蓏香

自注天文書稱河鼓卽牽牛其旁爲左右

則瓜菓熟故七夕以瓜菓祀之

結珮輕綃迷玉渚生塵細襪溼銀梁年年

乞與人閒巧不盡天孫錦繡章

三月十八日送春和寓園韻

三月人傳十八日春光別我已今朝普天祝 聖盡歡怵
此地閉門何寂寥罌粟闌珊過雨溼楊花盪漾隨風飄芳
辰代謝本流轉塊壘與君時一澆

十二夜月

石室高林夜轉清瑤堦如洗玉光瑩不知天上秋多少已
覺人閒月滿盈一水蒹葭揚子渡萬家煙霧潤州城凌虛
準擬招黃鶴碧落微聞羽客笙

十三夜月

月華峯頂月逾明十二闌干繞碧城天近中秋長不夜人
逢佳夕每關情移庭苕藻滄波動滿徑冰壺白髮生舊夢

樵漁甘汨沒江湖何地更逃名

病起

平生善病老侵陵每到春來百病生對酒漸知無量減看
花常覺可憐憎連宵風雨寒三徑獨夜衾裘擁一燈芋火
山鐘尋舊夢白雲深處虎溪僧

遲舍弟西亭不至二首

聞汝買舟鐙節後輕裝又下洞庭湖極知思難關情急轉
爲風波望眼枯禁火夜寒依墓樹停雲日晚待慈烏春帆
莫傍菰蘆宿細雨滄江響鷓鴣

兩弟扶持白髮新諸孫鐙火自相親從來稼圃爲長策不
信詩書解誤人井樹尙留三畝宅封田空贖五湖身預期

汴水春舊集 卷第六十四
京口同歸艇便向湘江把釣綸

邗上中秋

蒼葭暫隔南徐路
明月初圓廿四橋
燈火又逢全盛日
管絃爭度可憐宵
柳荒隋苑秋聲急
濤暗蕪城昔夢遙
寂寞相如長病渴
竹西無語臥僧寮

自維揚晚渡京江舟中雜感

三年荷戟待龍沙
雙髮何知皂帽斜
臣罪天通原負母
國恩山重本忘家
秋聲煙郭聞寒杵
日暮雲帆趁亂鴉
且向瑤階掃黃葉
江心汲水自煎茶

一柱自注茅山作

東南一柱俯層霄
羅列諸峯萬壑朝
白鷗不來雲似舊
青

山如懸手相招三江底定神功在六代偏安王氣消何事
華陽誇宰相每勞丹詔下漁樵

寶華山寺作是日爲五十初度

捫遍丹梯出翠微山雲猶滿薜蘿衣每慙名姓爲人識漸
喜冠裳與世違半百浮生長是客十年初度早知非禪堂
夜靜深如海鐘漏沈沈聽轉稀

題羽士夏元長清溪琴鶴圖

清溪道士少知名每弄柔翰愛苦吟瓜步濤聲驚晝靜京
江山色到門深行天舊養雛成鶴煮石常留爨後琴我有
岳陽無限酒與君期醉洞庭陰

移寓城南草堂紀興四首

春移襖被又南城林壑偏宜野客情
風靜庭梅時吐豔日長山鳥不知名
寬閒天假容疏放窮僻人來少送迎
倚遍欄杆看池水連宵新雨細泉生

三載南徐歲月新
寓居更喜接芳鄰
異鄉未必非吾土
廣廈方知有主人
白水青山爭入座
濃花嫩藥好禁春
鏡前華髮悲歌裏
爛醉何妨久客身

天涯親串得追陪
近喜湘帆舍弟來
靜夜琴聲清到枕
高樓山色對銜杯
從知仕宦無黔突
誰憶江濤有怒雷
黍谷陽春恩浩蕩
林風先爲掃莓苔

北堂遙隔楚雲西
遠近浮樓理亦齊
豈有園官供菜把
仍催穉子樹雞棲
寄奴井在泉堪汲
丁卯橋荒路不迷
比似

成都留杜老居人指是浣花溪

江干

愁雲毒霧鎖江干
院落沈沈晝景寒
貌虎于重森鐵甕
宵何日下金竿
迢迢肺石呼難徹
寂寞丹心淚已乾
蟻蝨一身天萬里
仍依北極望長安

沈文憲德潛云忠愛之忱
時時流露故終免於難

與許謹齋都諫夜話

琪樹琳宮鎖寂寥
逢君燒燭坐寒宵
三春華髮棲江表
五夜丹心戀聖朝
禁闥似聞憐謙直
湖山自合老漁樵
鯉魚風裏桃花水
共聽南徐早晚潮

直歸

朝趨金馬暮衡廬
都市形容兩鬢疏
人謝鄉心隨雁鶩
新

兼寵命領蟲魚傳殮莫擬彫胡飯下直仍乘薄笨車已覺
昏花成老眼夜窗篝火惜三餘

乙未元旦次吳見山庶常韻

宮帖輝煌報改年鑿儀初設鳳城邊常時舞蹈趨三殿近
侍傳呼自九天朝散御煙隨野服步歸晴日照華顛虛慙
珥筆酬 明主不擬襄陽孟浩然

草花

隙地花宜雨後栽草花攜自擔頭來青錢一百甯能惜白
屋三間相向闌帶露井華須數汲傍簷籬竹與深培晚風
涼月堪消暑一度詩成醉一回

飽食

四年飽食大官廚，報稱由來一事無。自擬螟蠓遊聖世，不妨天地老狂夫。囊書槩筆星初落，布被匡牀日下晡。卻喜近時來往絕，蓬蒿車轍少傳呼。

春深

春深真覺日遲遲，庭院無人獨坐時。上架葡萄初放葉，傍牆檉柳細垂絲。幽居漸喜將迎少，多病方知嬾拙宜。最憶故園當穀雨，茗香新綠試搶旗。

三月十五夜月下感懷示芝萱諸兒

自注是日爲亡室誕辰下世已

三十有四年矣

天涯見月幾回圓，腸斷金波忍更看。不信年深雙淚盡，又驚春老百花殘。重泉未妥松楸夢，往事空并白髮鬢。隔世

兒孫今眼滿，燈前細與話辛酸。

己亥初度

曉霜頰上鬢邊絲，倮直吟鞭冷莫支。
老態又逢初度日，餘生猶及太平時。
兒孫一室歡呼繞，菽水頻年省覲遲。
燈燭尊前兄弟共，南瞻遙與祝期頤。

庚子元日

五雲佳氣迴嶙峋，待漏螭頭拜舞新。
白首自矜依主丹，心何分屬孤臣。
天餘芸局寬閒地，老作金門嘯傲人。
眼見條風行解凍，一般同享太平春。

初度述懷四首

出趁晨鴉十載同，四山煙雪曉空濛。
瓠棧漸射扶桑日，廣

莫仍吹破帽風豈有涓埃酬 聖世敢將衰病惜微躬
書坐對南窗下苦習蠅頭老未工

款段歸休口尙哺西來顏景望桑榆埽除自愛門庭潔
礪碩終憐竹柏枯那得殘年看射虎不勞歸興倦思鱸陸沈
金馬尋常事只恐頻煩索米呼

一再添丁語笑喧客中差得長兒孫

自注時萱兒芝兒各舉一子同客兒孫男

女片 四人亦知婚嫁情難了且看扶攜樂尙存朔雪連宵清
旅夢江梅幾樹亂鄉魂故山此會遙相望白髮蕭蕭正倚門
週甲於今隔兩年停雲南望倍茫然艱危莫惜頭皮在老
大空餘骨相堅畫裏青山城十二鏡中華髮丈三千兒童
拜舞 君恩重饒醉深盃尺五天

十二月初四日榮澤渡河將返淮浦和壁閒韻同王

慧首作二首

平原風急曙光微南返人同朔雁飛
斷柳如蓬迷古岸驚

沙似雪洒征衣蠲除再徧冬無麥
自注時山左河南北入冬皆少雨雪昏墊

初離晝掩扉莫待繪圖重請
命恩書昨已下皇畿

蚊負負類力本微河防驚捧璽書飛
自注時以十一月十二日聞署理督河之命

子二十一日視事十年散地頭如雪
一夕孤臣淚滿衣
詔自田

開趨幕府恩從
宸斷下綸扉漕渠今古道
南北那得循

流達帝畿

冬日感懷

河淮重寄龍旌旄方略頻傳霄漢高
中夜扁舟偕舂鏑經

年匹馬狎波濤廟堂正切宣防計簿領仍懸撫字勞漸看

海疆今沃壤桑田兒女獻春醪

沈文懿云此爲從事河工而作乃當日事也下二章

追念前事

清時稽古獨優崇詔許諸儒集禁中花發上林春窈窕雪

晴阿閣日曛曨直廬夜檢青藜照講幄朝呈白虎通痛定

湘纍慙報國皂囊無補但雕蟲

文懿云此懷武英殿修書而作

平生夢落五湖邊竹馬重來事黯然蠲賜歡聲方動地滯

淫秋水又浮天東南財賦無籌策士女嬉遊有歲年春樹

萬家煙霧裏白公隄上每流連

文懿云此懷治吳舊事而作公先爲郡守復署分藩

故有竹馬重來之語

沈湘耆舊集卷第六十四

西

沈湘耆舊集卷第六十四終

沈湘耆舊集卷第六十五

新化鄧顯鶴湘臯編輯

長沙毛國翰青垣校訂

唐員外崇勳一首

崇勳字志齋衡陽人康熙辛酉舉人歷官興國州學正山西榆社江西靖安知縣擢戶部員外郎有

山居詩集嶽陰堂集

易宗洛序唐志齋詩出入於高岑王儲之間而時標新穎

比年謝政歸里日以文墨自娛讀其山居秋興等作其氣識固已高出尋常矣

再飲觀湘亭

古有河朔飲避暑聊一醉茅亭新結構郊外炎堪避俯挹一江清遠來萬山翠我愛此亭僻咫尺氣象備招攜遍勝

侶少長來不次，坐上有黃冠。高標若無二，雲影俄渡江。清
陰相覆被，隨風去復還。恍如駕天駟，炎氣頓欲失。彼此各
揚輝，興酣發浩歌。人生渺如寄，江流亘晝夜。誰與挽其逝，
偶思排決功。行其所無事，而况在吾黨。詎可鑿其知，良會
共率真。登臨晰斯義。

彭教諭祖訓三首

祖訓字佩蓀，號涪東澧州人。康熙辛酉舉人。鄖西
教諭。有拙存齋草海上吟燕遊草等集。當吳逆亂
後，與其外舅龔遇遲，亟成澧志。蓋亦留心文獻者
也。

刻木山洞

卓牛不見山積草露巖隙一孔逗如箕下踞杳莫測直下
可數丈一徑依山劈呼童然松炬以火燭深黑火力所不
到兩眼便如墨狹卷盤珠蟻不記幾曲直低劣僂腰膂高
妨觸額額竅應聚山魅響或嘯木客陰風作陣來毛骨爲
悚惕倏忽得高敞懸空石欲擲微光亂星點天眼窺石壁
仰視一空室天花儼綴冪坐象騎獅侶仿佛見形迹其下
有深潭儼瀨閒隱匿墨光隱寒玉作響怪幽寂遊侶懼險
難欲去邗可得直上蟠一木恰補巖石墀梯緣身漸高風
吼愁崩割憩坐倚巖戶所歷足叱嚇伊昔承平時此境何
未闢末季採樵子偶此窺仙奕因逐狡兔入喧傳遂嘖嘖
導火窮其罅猶拾片斷戟始知疇曩代曾爲避兵宅吁嗟

亂離人入地愁無策得茲山可棲家室免鋒鏑造物一何
奇神工巧剝剔太息者久之歸路西日昃四山寂無聲數
點殘星白

同友人遊一葉庵

步出城西門一望平疇接澧江抱前帶澹水環右脅居人
事種瓜町畦閒周摺四圍盡深沼小橋便利涉茆庵樹其
側形宛如一葉泛泛荷蒲閒曲隄儼繫牒蕭然磬魚聲竹
裏茶煙泄西來山無數當戶湧稠疊嘯詠倚枯藤幽翠上
眉睫老僧有題句佳言四壁帙原注僧澍可書聯云一葉
不隨流水去片雲常伴老
僧開橘實垂磔砢水鳥驚翩捷欲歸不能去返照閒雉堞蘭
江水清淺歡言弄舟楫

宿螢渚話雪木僧

頽窗敗壁掩藤蘿
經亂其如定慧何
螢渚漫嗟車子少
虎溪還服遠公多
空山霜月三竿影
流水淒灘幾折波
別久不妨通夕話
詩成擊節任高歌

簡徐溝能五首

能字坤若湘鄉人康熙甲子舉人官徐溝令有帶
江堂集坤若官徐溝時以才見忌坐是罷黜其子
自彬徒步數千里白父冤人多稱之坤若詩有奇
氣嘗作長沙怪氣篇紀吳逆之變洋洋數千言悉
溷亂本末可補史志之未備近體如危樓云四月
微涼生夏簟五更噩夢著寒灰舟行云跼蹐清江

猶鳥道蹉跎水國有蘼叢臨流云桔槔分灌爭餘
勺藁笠過歸避急湍皆不作常語自彬字去勝亦
有名詩今不見

我有行

我有美酒如瓊漿銀鐙照耀牀頭香老僧解意親滌觴
酌霍起登胡牀憶昔庾公在武昌南樓清景生雲光樓中
少年不可當欲避未避同趨蹌東接洞庭西滄浪下看鄂
渚蛟龍翔臨風酒酒弔英皇憑陵赤壁呼周郎何賢何聖
皆酒鄉此老一去南樓荒

黃鶴行

黃鶴黃鶴何時來赤鳳西走金烏催仙翁愛酒煙霞開黃

鶴一騎驟雲雷鐵笛橫吹壯士哀
積風負翼孤徘徊我聞
鶴嶽楚王臺鵬雛毛血如雲堆
仙翁招手呼天台黃鶴黃
鶴何時來

旅夜

襤褐春殘冷尚侵雙龍何處問
升沈乾坤有夢歸黃鶴山
水無情到素琴及此應謀良夜
醉他時空有白頭吟稍聽
紫陌須臾靜深夜輕寒半不禁

山居

卜宅天門近五峯前臨溪水碧
溶溶魚龍作意橫三月土
穀隨宜課九農丘壑自然無洒
埒芒屨隨處任從容子眞
谷口堪誰侶坐對前村偃蓋松

雨霽初望

微雨翻秋萬壑哀朝來霽色向人開
坐看虹影兼天出側聽松聲卷壑來
蜀道兵戈難重入荆門節制莫相催
岳陽已逼波濤落寸斷烽煙掃卻回

郭榮河金門一首

金門字黃瞻善化人康熙甲子舉人
官榮河縣知縣嘗爲嶽麓山長

宮詞

春夢多驚鳥輕風慣掠衣
簾疏殘月露門鎖落花飛
燕小隨風墮鴉迷認柳歸
漏深還悵望清影爲誰依

祝

軒齡一首

軒齡字雲麓醴陵人康熙甲子舉人官

知縣

登嶽麓山

峽口清風拂袂偏丹臺綠壑俯亭前松關攜客登樓望石
室看雲借榻眠幽鳥嘯添杜甫興野僧詩結遠公緣推窗
歷歷江城遠坐聽疏鐘起夕煙

鄒文安有熹一首

有熹新化人康熙甲子舉人官文安知縣

沈郡伯實政詩

黃堂高與五雲連賢守清操謹一錢入境風能驅虎渡窺
廚釜僅有魚懸人因犬靜安花影士競龍登問草豈有
盛名爭赫赫須知王道總平平

魏舉人時魁一首

時魁平江人康熙甲子舉人

甲寅避寇棲漂水巖

干戈日逼步層巒巖下漂流石髓寒脊白雪花飛晝永滴
壺清漏徹更闌霏霏玉屑雲閒落歷歷珠盤月下觀如此
名山佳景况相逢何事亂中看

王武義祚對

四首

祚對字山長華容人康熙庚午舉人武義縣知縣
有見山草堂詩文集

君山懷古

翠螺一點綰湖天雲水蒼茫境欲仙巧削鴻濛開碧島力

排波浪湧青蓮冷風淒雨斑修竹荒草頽巖泣杜鵑浪說
湘娥埋玉地千秋孤怨漲洪川

太白仙才號謫仙杜韓老筆遜清妍一腔奇思天同邈永
夜深杯月與圓豪士肯消湖海氣孤蹤力結水雲緣君山
剗卻君方快一醉千秋亦可憐

藉山舊怨賦秦暴七日擒公事亦奇一旅雷霆森號令八
山草木儼鬚眉肅清江外聊臣分零落湖堧有廢祠汴水
於今尚嗚咽六陵寂寞雨風知

溟鯨南擾夕烽連寒冱霧霾近五年颶徧黃旗昏日月堆
殘白骨靡山川元戎計決江邊壘逆寇兵銷嶺上煙獨苦
滄湖膏碧血不隨春水化呢鵑

劉信豐宏鈞 一首

宏鈞字滄石安鄉人康熙庚午舉人官信豐縣知縣有惠政卒於官著有鶴陰堂桃水偶草

武昌舟中卽事

青山媚如鬢春水平於掌半月武昌船鷗鳧闕來往篙工無定程意致隨雙槳得石卽維舟逢沽便脫鞵舉白酬客懷天地邀同享醉來雲澆胸夢回鶴送響偶爾蘭香飄靈均發孤想笛聲洞庭來東風漢口長誰知是中人江湖抱痛癢

周舉人命圭 一首

命圭字潛九號湘門鄙人康熙庚午舉人其祖士

儀令公有盛名與王而農先生交篤所著有史貫
野獲編及碎琴適吟杭遊雜詠南行句紀秋感山
居諸集晚歲築壑園終焉嘗語人曰藜藿吾所甘
莫年當愈篤耳余採其詩入明代以從其志其弟
士儼若思士偁靜軒入 本朝皆以選拔得官令
公父祉亦名病也爲流賊所執令公泣請代後士
偁與兄儼又被執兄弟爭請死賊俱釋之蓋世以
文章行義稱於鄉者也湘門少孤令公親教之十
歲能爲文年十九舉於鄉三十有三卒未竟所業
周氏世居衡陽故其詳具見衡陽縣志云

石鼓打魚歌

春明三月風綽約江平於掌魚競躍艇子千羣欵乃聲時
人漫道漁家樂漁父家住合江側江合蒸湘別清濁濁流
泥滓入清流掩映清流繞晴郭密罾數罾懸碎石引繩羣
向幽潭搜亦有施餌挺叉入烏鬼攔江吞且嚼巨鱗鼓翼
揚鬚過衝波一躍難籠絡鷲鵬坐視可若何獨有鯢鮪供
取掠鯢鮪數被大魚吞出淵忽忽嬰其虐可憐慨釜恣烹
煎更傷鮑肆成枯索暴殄天物詩人哀作歌寄諷今如昨
昌黎又魚與偶爾海上文章驅鯨鱷只今鯨鱷江湖徧何
必惡溪始名惡我歌蘋尾何足云萬斛韓潮不可作

熊舉人超一首

超字班若善化人康熙庚午舉人與同縣李文焰

朗軒邵陽王元復能愚寧鄉張鳴珂玉友交以講
學鳴皆一時儒碩也有三樂堂文集韻語非所習
意也

送王大令之官瀏陽

儒林文苑兼循蹟重綰銅符出帝鄉黃鵠磯頭添候吏青
楓浦上遲仙郎官楸細草含風軟驛路幽花過雨香須識
窮簷望霖雨好將經濟作文章

劉山長大撫

一首

大撫字中敬瀏陽人康熙丙寅拔貢庚午舉人曾
爲嶽麓山長

讀書嶽麓院中

自注時
忝主講

高山流水足幽音日傍南窗調素琴
嘯鳥一聲清晝永古松六代白雲深
下帷遮莫窺三策走筆猶慚賦上林
抱膝空齋何所有涼颺謾謾伴孤吟

劉錢塘淇二首

淇字竹偶茶陵人康熙癸酉舉人官錢塘知縣有政聲歸後嘗主講嶽麓

秋夜泛月

淅倒秋空看月明攜來一葦較多情
流雲下嶺峯無礙虛響回天樹有聲
鷗自沿洞隨釣艇濤如嗚咽入茶鐺
誰家夜半凌霜笛揚柳紛紛水面生

陽占

溪上聞人聲山陰看古樹
巖峯瘦不堪正在層樓處

陳舉人應元 五首

應元字借庭武陵人康熙癸酉舉人有滄螺草

讀史

伏波器晚成擇君一何知
生平多壯猷已足償夙志
辛苦浪泊閒仰視飛鳶墜
回憶少游語浩然發長喙
此時早息機身尊名亦遂
柰何請征蠻顧忘前日瘁
是翁矍鑠哉帝已相輕試
賢臣遭聖主終始滋疑議
寄語功名人保全良未易

闡寺毒縉紳燎原不可邇
亡命走外黃望門亟投止
破家爭相匿惟恐弗爲死
壽考與令名兼之何爲爾
達哉孟博

母恥作老牛舐林宗不危激亦頗事臧否僅能保首領實
愧徐孺子置身在雲漢泥淤安得滓太上本無名有名非
名士

上已過李子受先生和原爾甯錢健庵兩先生韻

令節初過一雨殘流杯怡喜漲清湍人如羲獻蘭亭集地
比王裴輞水覽好鳥數聲煙裏過閑雲幾片竹中看龍門
此度雙眸闊不敢登山五十盤

贈道士

道人久住萬山顛不煉丹砂不學仙夢覺日高門未啟破
雲幾片蓋頭眠

鄴中口號

西陵煙雨鎖空濛銅雀餘香想象中
莫道忘情人可學
連兒女亦英雄

張平度瓚五首

瓚字爾石一字錫出湘潭人康熙癸酉舉人官高
邑知縣陞平度州知州爾石與蔚石昆石兩太史
皆湘門先生同母兄弟均以文學顯爾石初官高
邑治聽事掘地得一石上勒爾石何來四字亦一
奇也

月夜至湘陰次華六夢鹿原韻

擊楫輕千里歸帆自遠天暮雲青竹戍夜月洞庭船岸火
近偏暗蘆花秋更妍故園風景好相對已悠然

出都和陶奉長南歸原韻

饑驅病馬挂征衣生計蹉跎與願違
北地風塵慙駿骨南山松菊有荆扉
林鶯百轉偏憎客官柳千行正拂衣
三月郵亭前路遠晴光細逐暮煙飛

塵沙踏澹欲魂消孤負三春勝事饒
豪氣未除猶逐鹿好首難變尙鳴鴉
敢云有意憐同調深愧無才託聖朝
歸去洞庭春正晚扁舟遙盼岸花飄

昭陵灘次張質夫原韻

江頭落日照平沙岸曲帆迴帶影斜
撥刺魚驚知石磧依微火聚認山家
一舟危渡如天上雙槳輕搖送浪花
險絕不須驚濫瀕蛟龍眠處慎無詳

馬上口占

靄靄寒煙澹落暉
幾行官柳綠成圍
長安春色渾無賴
鴉鵲聲聲喚客歸

屠曲陽南 一首

南字扶九武陵人
康熙癸酉舉人
曲陽縣知縣

齊河雜述

別院春風不肯關
嬌鶯自轉透重闌
夜深狼藉花多少
誰念霜侵荳蔻寒

簡華陰廷佐 一首

廷佐字霞三邵陽人
康熙癸酉舉人
官華陰縣知縣
行取部曹未赴卒
霞三官華陰時山陝兩界爭

河波灘地成大獄積年不解大府檄往勘片言立
決其明斷類此喪歸華陰人傾國泣送有直抵邵
陽弊之不獲者其得民如此

寒夜宿友人草堂分賦

寒風敗葉不停吹偏待山窗對話時曉約霜林驕醉客夜
齒殘雪賀新詩山中客去琴無語松外雲歸鶴未知懷抱
千秋多磊落此閒巨壑未多奇

劉教諭上進一首

上進新化人康熙癸酉副榜貢生官永明縣教諭

上沈郡伯

卿雲早已映三台名世何當出守來鉞刃暫煩臨錯節疲

氓爭說上熙臺，解懸偶試回春手。作郡還須命世才，獨與
菲葑遺下體。李桃到處藉栽培。

夏武舉文毓二首

文毓字澹永善化人康熙癸酉武舉著有葵齋詩

集

酬曹中玉

亦有登臨興，長懷謝眺詩。看君幽賞處，當我臥遊時。歲月
消書帙，風花感鬢絲。歸舟何太急，華嶽動秋思。

登龍華觀

暮秋今日爽，好訪梵王臺。路曲因峯轉，門幽背水開。避人
羣鳥亂，采藥一僧回。空響風生樹，如泉出谷來。

王河源盛德 二首

盛德字芳樹號補村零陵人康熙丙子舉人官廣
東河源知縣有石園詩稿豐樂樓集其以豐樂名
者宰河源時旱禱雨立應民爲建豐樂樓以志不
忘因以名其集也石園有治才長寧閩巖邑多盜
大吏檄之兼攝石園請以兵往盜聞遠遁有紀事
詩云白面談兵怯紅巾恃險驕又云巖城森萬隊
坐擁一書生其風概如此

買舟載酒遊袁家渴

灑落瀟湘裏幽期一往深長松撐石壁絕壑瞰江心人影
寒光亂舟迴翠靄侵興酣不易醉狂叫酒頻斟

天匠何年斧奇橫瀟水隈深從無底出險欲破江開嵌石
疑堅瘦衝濤懸湖洞葳蕤存柳記此日但莓苔

李學正殿樑 一首

殿樑字雲樹新化人康熙丙子舉人澧州學正學
正之父作梅字子和前明文學豪俠仗義有功鄉
里事繼母以孝聞余爲題其祠所云於國爲遺民
於家爲孝子於里爲功臣者也學正治經有聲書
法尤善詩非所畱意也今止存一首

寒食上李子將先生墓

莽莽郊原外蕭蕭古墓城有身爲幻象脫去始全生雲氣
四邊合嶺頭千樹明遺言常過問腹痛不聞聲

沙洲香齋集卷之十一
王糧儲之錡 三首

之錡字孔嘉湘陰人康熙丙子舉人累官江安十
府糧儲道有集

壘石山夜雨

屏翳驅雲至江邊鎖客船黃陵陰接地青草雨彌天曲岸
魚爭聽圓沙鷺穩眠明朝看水勢新漲定潺湲

舟泊湘城

萬里歸遊子斜陽送客船水迷三里霧帆飽五湖煙旅夢
留前浦鄉愁擲別川遠籌舟泊處還近酒旗邊

雨夜獨坐

穩坐空牀夜氣清虛窗滴瀝自分明壁蟲乍響秋無力樹

烏鶩翻夢有聲野史讀來供醉眼
鎧花飛處送閒情如何
溼盡天心路雁到衡陽不肯行

舒新城宏訓二首

宏訓字慕衡溆浦人康熙丙子舉人官江西新城
知縣歸後結廬二酉山玉華洞有友雲堂集

懷玉華洞

洞天三十六何者是仙家
夢覽仇池勝疑乘碧漢
棧名山
原太古法象踵增華
猶憶初遊日溪流幾片花

龜山

神龜未出洛山體已昂然陰洞疑無地懸崖欲到天
猿嘯
幽湖裏僧老白雲邊
戎馬郊原亂惟茲獨保全

沈湘耆舊集卷第六十五終